

Resolución do procedemento de inscrición de tres rodais dos montes **Fixó-Portela e Vilariño (Concello de Forcarei)** no Rexistro de Masas Consolidadas de Frondosas Autóctonas

Antecedentes

1. O 30/09/2021 e número de rexistro electrónico da Xunta de Galicia 2021/2306187 a Comunidade de montes veciñais en man común (en diante CMVMC) de Fixó- Portela e a CMVMC de Vilariño (ambas no concello de Forcarei) inician expediente conxunto de inscrición consonte o DECRETO 167/2019, do 5 de decembro, polo que se crea e se regula o Rexistro de Masas Consolidadas de Frondosas Autóctonas (DOG núm.4, do 8 de xaneiro de 2020).
2. O 23/03/2022 o Servizo de Montes de Pontevedra informou favorablemente a solicitude.
3. O 01/04/2022 publicouse no Diario Oficial de Galicia (DOG) un anuncio polo que se someteu a información pública o procedemento de inscrición no Rexistro de Masas Consolidadas de Frondosas Autóctonas de tres rodais dos montes Fixó-Portela e Vilariño, no Concello de Forcarei.
4. Durante o período de información pública non se presentaron alegacións.
5. Instruído o procedemento, o 20/06/2022 e 29/06/2022 notificouse ás CMVMC de Fixó-Portela e Vilariño a apertura dun trámite de audiencia, en cumprimento do artigo 11.6 do Decreto 167/2019, e do artigo 82 da Lei 39/2015, do 1 de outubro do Procedemento Administrativo Común das Administracións Públicas.
6. Durante o trámite de audiencia non se presentaron alegacións.
7. O 30/08/2022 o xefe do Servizo de Montes de Pontevedra formulou a proposta de resolución do expediente, que a continuación elevou á Dirección Xeral de Planificación e Ordenación Forestal.

Consideracións legais e técnicas

1. O procedemento de inscrición dos tres rodais dos montes de **Fixó-Portela e Vilariño** no Rexistro de Masas Consolidadas de Frondosas Autóctonas instruíuse de acordo co Decreto 167/2019.
2. Segundo o artigo 12.1 do Decreto 167/2019, o órgano competente para resolver é a Administración forestal, que de acordo co artigo 8 da Lei 7/2012, do 28 de xuño, de montes de

DIRECCIÓN XERAL DE PLANIFICACIÓN E ORDENACIÓN FORESTAL
CONSELLERÍA DO MEDIO RURAL
San Lázaro s/n
15781 Santiago de Compostela
T. 981 546108
forestal.mediorural@xunta.gal



Galicia, é o órgano da Comunidade Autónoma, con rango de dirección xeral ou secretaría xeral, con competencias en materia de montes.

3. O artigo 15.1 do Decreto 149/2018, do 5 de decembro, polo que se establece a estrutura orgánica da Consellería do Medio Rural e se modifica parcialmente o Decreto 177/2016, do 15 de decembro, polo que se fixa a estrutura orgánica da Vicepresidencia e das consellerías da Xunta de Galicia, establece que á Dirección Xeral de Planificación e Ordenación Forestal correspóndelle o exercicio das competencias inherentes á política forestal, desenvolvendo as medidas relacionadas coa planificación, ordenación, fomento, mellora da produción e conservación dos recursos forestais.

Tendo en conta o anterior, **RESOLVO:**

1. A inscrición de tres rodais dos montes da CMVMC de Fixó-Portela e da CMVMC de Vilariño no Rexistro de Masas Consolidadas de Frondosas Autóctonas, unha vez se teña realizado o pagamento da correspondente taxa (artigo 13.6 do Decreto 167/2019), coas seguintes características:

Número de rexistro: 36010

Solicitante: CMVMC de Fixó-Portela e a CMVMC de Vilariño

Concello: Forcarei

Provincia: Pontevedra

Número de rodais: 3 (Rodal 1-16,2327 has, Rodal 2-15,7866 has e Rodal 3- 10,2195 has)

Superficie total: 42,2388 has

Especies: *Quercus robur*, *Betula celtiberica* e *Salix atrocinerea*

Idade media: 40 anos

FCC por rodais: 100%

Superficie propiedade das CMVMC de Fixó-Portela (15,78 has do rodal 2) e da CMVMC de Vilariño (26,45 has dos rodais 1 e 3).

2. Que se publique esta resolución na páxina web da Consellería do Medio Rural.

3. Que se notifique esta resolución ao titular do monte, coa indicación de que, previamente á inscrición da masa no Rexistro, deberá presentar o **xustificante de ter realizado o pagamento da taxa por primeira inscrición rexistro oficial** (código da taxa de inscrición en rexistros oficiais 300200).



Contra esta resolución, que non pon fin á vía administrativa, poderase interpoñer un recurso de alzada ante o conselleiro do Medio Rural no prazo dun (1) mes contado desde o día seguinte ao da notificación desta resolución, de acordo co disposto no artigo 12.5 do Decreto 167/2019 e nos artigos 121 e 122 da Lei 39/2015, do 1 de outubro, do procedemento administrativo común das administracións públicas.

Santiago de Compostela,
O director xeral de Planificación e Ordenación Forestal
JOSÉ LUIS CHAN RODRIGUEZ
(Asinado dixitalmente)

